

Program regionalnih grantova 2022.

Javni poziv

Smjernice za podnosiocce prijedloga
projekata

Javni poziv partnerima iz malih lokalnih zajednica da prijave svoje ideje za dodjelu bespovratnih sredstava namijenjenih projektima koji doprinose boljem obrazovanju kroz razvoj znanja i vještina i/ili zaštiti okoliša uz promociju zdravih stilova života.

Program regionalnih grantova (u daljem tekstu Program) organizuje i provodi Telemach fondacija.

Smjernice za podnošenje prijedloga projekata (u daljem tekstu Smjernice) je dokument koji sadrži uslove i pravila za podnošenje aplikacije, evaluaciju, finansiranje i izvještavanje o rezultatima projekata koji će biti odobreni u prvom ciklusu Programa. Smjernice su integralni dio svakog ugovora koji će biti potpisan između Telemach fondacije i korisnika Programa.

Sadržaj

1.	Osnovne informacije o Javnom pozivu	3
1.2.	Informacije o Programu	3
1.2.	Zaštita podataka.....	3
1.3.	Ciljevi Programa	3
1.4.	Očekivani rezultati Programa.....	3
2.	Pravila Javnog poziva	4
2.1.	Ko može prijaviti svoj prijedlog projekta?.....	4
2.2.	Ko ne može prijaviti svoj prijedlog projekta?.....	4
2.3.	Koje oblasti su prihvatljive?	4
2.4.	U kojim područjima treba da se realizuje projekat?.....	5
2.5.	Koliki je iznos granta po projektu?.....	5
2.6.	Koji su opći kriteriji za ocjenjivanje prispjelih prijedloga projekata?.....	5
	Dostavljen kompletan prijavi paket u skladu sa poglavljem „Aplikacijska forma, dokumentacija i podnošenje aplikacije“	5
2.7.	Koji su posebni kriteriji za ocjenjivanje prispjelih prijedloga projekata?.....	6
2.8.	Koji su kvalitativni kriteriji za ocjenjivanje prispjelih prijedloga projekata?	6
3.	Način podnošenja aplikacije s prijedlogom projekta	6
3.1.	Koju dokumentaciju treba dostaviti?.....	6
3.2.	Kako dostaviti prijavu?.....	7
3.3.	Koji je krajnji rok za podnošenje prijave?	7
3.4.	Kome se obratiti za sva pitanja i kontakt?	7
3.5.	Kako će potencijalni korisnici biti informisani o Javnom pozivu?.....	7
4.	Bodovanje i odabir korisnika Prigrama	7
5.	Obavijest o rezultatima poziva.....	8
	U tabeli ispod je prikazan vremenski okvir čitavog procesa Programa	8
6.	Odluka o dodjeli sredstava i potpisivanje	8
7.	Način isplate sredstava	9
8.	Podrška u toku realizacije projekta	9
9.	Izveštavanje i pravdanje troškova za odobreni projekt	9
10.	Monitoring provedbe projekta	9
11.	Promocija projekta.....	9

1. Osnovne informacije o Javnom pozivu

1.2. Informacije o Programu

Program regionalnih grantova 2022. je Program koji ima za cilj (1) podržati razvoj obrazovanja i sticanje novih znanja i vještina članova manjih lokalnih zajednica, te (2) doprinijeti zaštiti okoliša uz promociju zdravih stilova života u manjim lokalnim zajednicama. Program provodi Telemach fondacija kroz dodjelu bespovratnih sredstava.

Program regionalnih grantova 2022. će tako podržati inovativne inicijative iz oblasti:

- Obrazovanja u širem smislu (razvoj znanja i vještina),
- Zaštite okoliša uz promociju zdravih stilova života kroz aktivnosti na otvorenom.

Program pored dodjele granta uključuje pružanje tehničke podrške partnerima kako bi pripremili kvalitetnu aplikaciju, a po dodjeli granta imali uspješnu provedbu odobrenih projekata.

Ukupni raspoloživi budžet Programa za ulaganja u razvoj obrazovanja u širem smislu i zaštitu okoliša s promocijom zdravih stilova života iznosi 50,000 KM. Ulaganja koja su osigurana kroz Program će isključivo biti usmjerena na podršku projektima udruženja civilnog društva (udruženja i fondacije) koje su registrovane prema važećim aktuelnim zakonima.

Ovaj Javni poziv kao i smjernice za podnosiocje prijedloga projekata se odnose isključivo na udruženja i fondacije koje će svoje projekte provesti na području malih lokalnih zajednica.

1.2. Zaštita podataka

Telemach fondacija osigurava zaštitu ličnih podataka u skladu sa Zakonom o zaštiti ličnih podataka („Službeni glasnik BiH“ broj: 49/06, 76/11 i 89/11). Partneri su saglasni da svi lični podaci koje budu dostavili u sklopu aplikacije sa prijedlogom projekta, budu isključivo korišteni za potrebe Programa.

1.3. Ciljevi Programa

Programom se žele postići sljedeći ciljevi:

1. Povećati obim i kvalitetu dostupnih mogućnosti koje doprinose razvoju znanja i vještina kod građana manjih lokalnih zajednica;
2. Omogućiti povezivanje ekoloških akcija u manjim sredinama sa prirodnim potencijalom koji promoviše zdrave stilove života kako za lokalno stanovništvo tako i za turiste.

1.4. Očekivani rezultati Programa

Projekti koji budu podržani kroz Javni poziv Programa trebaju direktno doprinijeti postavljenim ciljevima Programa. Provedbom Programa 2022., očekuju se sljedeći rezultati:

1. Podržano i uspješno realizovano minimalno 10 projekata koji doprinose programskim ciljevima (obrazovanje i zaštita životne sredine uz promociju zdravih stilova života) u najmanje 10 lokalnih zajednica;
2. Kroz podržane projekte omogućeno sudjelovanje najmanje 2000 direktnih korisnika koji su izrazili zadovoljstvo provedenim aktivnostima i mogu imenovati najmanje dvije oblasti koje su unaprijedili kroz realizovane programe.
3. Najmanje 5000 indirektnih korisnika može izraziti zadovoljstvo i mogućnost uživanja u održivim rezultatima provedenih projekata.

2. Pravila Javnog poziva

Pravilima javnog poziva se definišu podnosioci prijedloga projekata, aktivnosti i troškovi koji su prihvatljivi te kriteriji koji se moraju zadovoljiti i na osnovu kojih se vrši evaluacija prispjelih prijava.

2.1. Ko može prijaviti svoj prijedlog projekta?

Podnositelj prijedloga projekta je isključivo registrovano udruženje ili fondacija (prema važećim aktuelnim zakonima: Zakon o udruženjima i fondacijama BiH¹, Zakon o udruženjima i fondacijama FBiH², Zakon o udruženjima i fondacijama RS³ i Zakon o udruženjima i fondacijama Brčko distrikta⁴).

Svaka organizacija može podnijeti više od jednog projekta bez restrikcija, ali **sredstva za implementaciju može dobiti samo za jedan projekat.**

Ohrabrujemo organizacije da apliciraju u partnerstvu sa drugim partnerima iz lokalne zajednice (ili drugih lokanih zajednica). U slučaju zajedničkog apliciranja, jedna organizacija je nositelj projekta. U slučaju partnerskog prijavljivanja, **nositelj projekta se posmatra kao individualni podnositelj zahtjeva.**

Sve organizacije koje budu prijavile svoje prijedloge projekata trebaju ispuniti uslove koji su definisani Javnim pozivom i smjernicama uključujući i slanje prijave u okviru zadatih vremenskih rokova te isključivo u formama koje su u prilogu smjernica i čine njihov sastavni dio. Dodatno, prijedlozi projekata treba da budu u skladu sa navedenim ciljevima Programa te da doprinesu očekivanim rezultatima.

2.2. Ko ne može prijaviti svoj prijedlog projekta?

- Neformalne grupe građana;
- Političke stranke ili slične organizacije;
- Poslovna udruženja i sindikati;
- Gradovi i općine;
- Ostale vladine institucije.

Dodatna napomena: na Javni poziv se ne mogu prijaviti ni udruženja i fondacije čiji su osnivači ili članovi nadzornih ili upravnih tijela osobe imenovane u žiriju iz tačke 4 ovog Javnog poziva, odnosno zaposleni u Telemach Fondaciji ili Telemach BH ili povezanim društvima, odnosno njihov bračni i vanbračni drugovi, potomci, usvojenici i potomci usvojenika, roditelji, usvojiooci, braća i sestre i njihovi potomci, djedovi i nane (bake) i njihovi potomci kao braća i sestre i roditelji bračnog ili vanbračnog druga.

2.3. Koje oblasti su prihvatljive?

Kako bi ostvarili ciljeve Programa, prijedlozi projekta treba da pokrivaju oblasti:

1. Obrazovanje (ideje koje doprinose razvoju vještina i znanja)
2. Zaštita okoliša uz promociju zdravih stilova života (ideje koje pored ekoloških akcija povezuju promociju zdravih stilova života kako za lokalno stanovništvo, tako i za turiste)

¹Službeni glasnik Bosne i Hercegovine broj 31/01, 42/04, 63/08, 76/11 i 94/16

²Službene novine Federacije Bosne i Hercegovine broj 45/02 3

³Službeni glasnik Republike Srpske broj 52/01 i 42/05

⁴ Službeni glasnik Brčko distrikta BiH broj 12/02 i 19/07.

2.4. U kojim područjima treba da se realizuje projekat?

Programom se podržavaju organizacije čiji će se projekti realizovati isključivo na području malih zajednica (do cca 50k stanovnika).

2.5. Koliki je iznos granta po projektu?

Ukupni raspoloživi iznos Programskih sredstava za podršku projektima je 50,000 KM. Iznos podrške po jednom odobrenom projektu ne može biti veći od 5,000 KM bez obzira na broj partnera u projektu. Program podržava inicijative koje traju od tri do šest mjeseci. Projektne aktivnosti trebaju započeti najkasnije 01.07. 2022. godine.

Podnosioci prijave mogu prikazati vlastito učešće (resursi u novcu ili preračunato u novac). Ako se projekat realizuje u partnerstvu, u vlastito učešće se računa i učešće partnera.

Ako se projekat realizuje u partnerstvu, budžetom se jasno trebaju pokazati iznosi koje će implementator projekta prebaciti partneru. (prilikom planiranja aktivnosti, aktivnost koju provodi partner nazvati prema nositelju aktivnosti).

U okviru budžeta, moguće je uvrstiti operativne troškove i to samo onda kada su oni neophodni za provedbu planiranih aktivnosti. Ova opravdanost se treba objasniti u dijelu budžeta koji je predviđen za obrazloženje troška i ne smije prelaziti 15% od ukupne visine traženih sredstava.

2.6. Koji su opći kriteriji za ocjenjivanje prispjelih prijedloga projekata?

Opći kriteriji će se ocjenjivati u prvom krugu selekcije. Samo projekti koji zadovolje opće kriterije mogu proći u drugi krug selekcije.

BR	Opći kriterij
1.	Dostavljen kompletan prijavni paket u skladu sa poglavljem „Aplikacijska forma, dokumentacija i podnošenje aplikacije“
2.	Dokaz o registraciji udruženja/fondacije u skladu sa zakonima FBiH, RS ili BD
3.	Dokaz o aktivnoj implementaciji projekata iz traženih ili srodnih oblasti (edukacije u širem smislu te zaštite okoliša sa promocijom zdravih stilova života), sa tabelom realizovanih projekata sa imenima donatora, kratkim opisom postignutih rezultata uključujući broj osoba iz organizacije koje su implementirale projekat odnosno brojem korisnika projekta.
4.	Plan da će se projektne aktivnosti realizovati na području lokalne zajednice do cca 50k stanovnika
5.	Plan implementacije da će se projekat realizovati u periodu od tri do pet mjeseci
6.	Fokusiranost projekta na obrazovanje, zaštitu okoliša sa promocijom zdravih stilova života
7.	Planirani budžet traženog granta ne prelazi 5,000 KM i u skladu je s Javnim pozivom i smjernicama

Pored općih kriterija, projekti iz sljedećih oblasti neće preći u naredni ciklus ocjene:

- Projekti kojima se finansiraju operativni troškovi rada organizacije;
- Projekte koji se odnose na vjerske ili političke aktivnosti;
- Projekte kojima se nabavlja oprema ili se renoviraju neke prostorije;
- Medicinsko liječenje ili druga vrsta medicinskih tretmana;
- Humanitarna pomoć i donacije ;

- Pokrivanje dugova/kredita;
- Aktivnosti koje podupiru nasilje i društvenu podijeljenost po bilo kojem osnovu;
- Projekti koji mogu imati štetan uticaj na okolinu.

2.7. Koji su posebni kriteriji za ocjenjivanje prispjelih prijedloga projekata?

Posebni kriteriji su kriteriji na osnovu kojih se donosi konačna odluka i izbor projektnih ideja koje će se finansirati kroz Program.

U nastavku su kriteriji poredani po važnosti:

1. Promjene kojima će implementacija projekta doprinijeti (maksimalni broj bodova 12)
 - a. Opravdanost projekta ili inicijative (maksimalni broj bodova 3);
 - b. Jasno prezentovana organizacija aktivnosti i koraci implementacije (maksimalni broj bodova 3);
 - c. Prijedlog projekta jasno pokazuje da postizanjem očekivanih rezultata vodi ka ostvarenju cilja projekta (maksimalni broj bodova 3);
 - d. Učinkovitost rezultata u odnosu na investirana sredstva (maksimalni broj bodova 3).
2. Uključenost lokalne zajednice u projekat (maksimalni broj bodova 3)
 - a. Broj lokalnih partnera (vladinih i nevladinih organizacija) koji će biti uključeni u provedbu projekta;
 - b. Broj volontera koji će biti uključeni u provedbu aktivnosti;
 - c. Broj direktnih korisnika koji će imati dobrobit od provedene aktivnosti;
 - d. Broj članova zajednice koji će indirektno imati koristi od intervencije .
3. Oblast kojom se projekat bavi (maksimalan broj bodova 2)
 Prijedlog projekta jasno pokazuje da će predloženi pristup, metodologija i aktivnosti doprinijeti:
 - Razvoju znanja i vještina (oblast obrazovanja) i/ili
 - Zaštiti okoliša uz promociju zdravih stilova života kako za lokalno stanovništvo tako i za turiste.
4. Kapacitet podnosioca prijedloga projekta (maksimalan broj bodova 1).

2.8. Koji su kvalitativni kriteriji za ocjenjivanje prispjelih prijedloga projekata?

1. Inovativnost projektne ideje (nešto novo na području u kojem se projekt planira provesti)
2. Promovisanje društvene uključenosti i njegovanje različitosti (uključivanje svih kategorija društva bez iznimke u odnosu na dob, spol, invaliditet, rasu, nacionalnu pripadnost i sl.)

3. Način podnošenja aplikacije s prijedlogom projekta

3.1. Koju dokumentaciju treba dostaviti?

Prijedlozi projekta se mogu podnijeti samo u formi koja se nalazi u Prilogu br. 1 – „Obrazac prijave za prijavu Program regionalnih grantova 2022“ ovih Smjernica. Budžet prijedloga projekta se može podnijeti samo u formi koja se nalazi u Prilogu br. 2 – „Obrazac budžeta Program regionalnih grantova 2022“ ovih Smjernica.

Aplikacija i ostali prilozi koji će dokumenovati usklađenost rada podnosioca prijedloga projekta sa navedenim kriterijima ovog poziva moraju biti dostavljeni prema redoslijedu:

Br.	Potrebna dokumentacija
1.	Prilogu br. 1 – „Obrazac prijave za prijavu Program regionalnih grantova 2022“
2.	Prilogu br. 2 – „Obrazac budžeta Program regionalnih grantova 2022“
3.	Prilog br. 3 – „Obrazac finalni izvjestaj Program regionalnih grantova 2022“
4.	Prilog 4 - Obrazac vremenski okvir Programa regionalnih grantova 2022
5.	Prilog 5 - Rješenje o registraciji u skladu sa važećim zakonima u FBiH, RS ili DB
6.	Prilog 6 - Presjek implementiranih projekata u skladu sa općim kriterijima

Kako bi vaša prezentacija bila još bolja, uz prijavnici možete priložiti fotografije (maksimalno 6), prezentaciju i/ili drugi promotivni materijal koji će ilustrirati ideju projekta.

3.2. Kako dostaviti prijavu?

Svu neophodnu dokumentaciju je potrebno dostaviti elektronskim putem na email adresu: regionalni.grant@telemach.co.ba

Naslov/subject email navesti: Program regionalnih grantova 2022. – Prijava na Javni poziv

3.3. Koji je krajnji rok za podnošenje prijava?

Rok za podnošenje prijavnog obrasca sa svim priložima je 28.05.2022. godine u 23:59h.

Nepotpune aplikacije neće biti uzete u razmatranje.

U slučaju da se primi nedovoljan broj kvalitetnih projekata koji zadovoljavaju tehničke uslove prve i druge faze selekcije (ispod 3 projekta), Telemach fondacija zadržava pravo ponoviti Javni poziv.

3.4. Kome se obratiti za sva pitanja i kontakt?

Za dodatna pitanja i informacije vezane za prijavu za Program regionalnih grantova 2022., kao i za sve naknadne upite koji se budu odnosili na provedbu odobrenih projekata, možete se obratiti timu Telemach fondacije na email: regionalni.grant@telemach.co.ba

Opće informacije o programu Program regionalnih grantova 2022. možete pronaći na web stranici kompanije Telemach BH www.telemach.ba

3.5. Kako će potencijalni korisnici biti informisani o Javnom pozivu?

Nakon objave Javnog poziva, Telemach fondacija će organizovati informativne sesije na kojima će biti prezentovani i dodatno pojašnjeni svi elementi Javnog poziva. Informativne sesije će se održati putem online aplikacije i biti će prilika da se ponude odgovori za sva pitanja potencijalnih korisnika Granta.

Datum i vrijeme održavanja informativnih sesija će biti objavljeni putem web stranice kompanije Telemach BH www.telemach.ba, društvenih mreža kao i putem medija.

4. Bodovanje i odabir korisnika Prigrama

Selekcija prispjelih prijedloga projekata će se vršiti u dva kruga. U prvom krugu će se izvršiti preliminarni odabir projekata u odnosu na opće kriterije. Ovaj krug koji predstavlja administrativnu selekciju provodi Telemach fondaciji.

Drugi krug selekcija se vrši u odnosu na posebne kriterije. Ovu selekciju će raditi stručni žiri na osnovu posebnih kriterija. Komisiju Program regionalnih grantova 2022. čine:

1. **Hajdi Mostić**, predsjednica Upravnog odbora Telemach fondacije;
2. **Vesna Bajsanski-Agić**, izvršna direktorica Fondacije Mozaik;
3. **Ivana Erić**, novinarka N1 televizije;
4. **Vedran Šimunović**, direktor Intera tehnološkog parka;
5. **Maida Bilal**, direktorica Fondacije Krug života Kruščica;
6. **Kristina Šešlija**, lokalna aktivistica sa dugogodišnjim iskustvom u vođenju nevladinih organizacija.

Ispunjenost općih i posebnih kriterija će se vršiti na osnovu prispjele aplikacije i aneksa.

Nakon što svaki član komisije ocijeni svaki projekt, vršit će se zbrajanje bodova. Konačna rang lista će uključivati zbirne ocjene svih članova komisije. Odluka o finansiranju projekata će se donijeti na osnovu:

1. Ove rang liste i bodovanja prijedloga projekta;
2. Visine traženih sredstava po projektu (a u odnosu na raspoloživi iznos sredstava koje Telemach fondacija dodjeljuje po ovom Programu).
3. Grada/općine/opštine iz kojih dolaze najbolje rangirani projekti i to na način da maksimalno dva projekta sa istog područja (kantona ili regije) mogu biti podržani kroz Program 2022. U slučaju više najbolje rangiranih projekata iz jednog područja, treće i niže rangirani neće biti podržani. Sljedeći koji dolazi iz kantona ili regije ulazi u proces daljeg finansiranja.

5. Obavijest o rezultatima poziva

Projektne ideje koje budu odobrene bit će predstavljene na web stranici kompanije Telemach (www.telemach.ba).

U tabeli ispod je prikazan vremenski okvir čitavog procesa Programa⁵

Aktivnosti	Datum
Objava poziva	28.04.2022.
Podnošenje prijave s prijedlogom projekta	29.04. – 28.05.2022.
Evaluacija projekata (dvije faze)	29.05. – 09.06.2022.
Proglašenje pobjednika	Do 10.06.2022.
Zaključivanje ugovora	Do 20.06.2022.
Implementacija odobrenih projekata	1.7.2022 – 31.12.2022.
Završna konferencija	Januar 2023.

6. Odluka o dodjeli sredstava i potpisivanje

Nakon što se donese odluka o dodjeli sredstava, a u skladu sa odredbama Javnog poziva, organizacije čiji su projekti odabrani će potpisati ugovor o partnerskoj implementaciji projekta.

Telemach fondacija se obavezuje da će prebaciti sredstva u skladu sa odobrenim prijedlogom projekta i ugovorom, a partneri se obavezuju da će provesti sve aktivnosti u skladu sa prijedlogom projekta koji su dostavili. Sve planovi implementacije i preuzete obaveze će se dalje pratiti kroz redovni monitoring

⁵ Predstavljene vremenski okvir je podložan promjenama

Telemach fondacije. Neodobrene promjene i odstupanja od odobrenog projekta će rezultirati potpunim ili djelomičnim povlačenjem novčanih sredstava.

7. Način isplate sredstava

Odobrena sredstva za provedbu projekta će se osigurati prema odobrenom budžetu projekta i kroz dvije tranše:

- Predujam: 80% iznosa bespovratnih sredstava - osigurava se u roku od 30 dana nakon potpisivanja ugovora, ali ne prije 01.07.2022.
- Završno plaćanje: 20% iznosa bespovratnih sredstava i prihvatljivi troškovi - do 30 dana nakon odobrenja završnog izvještaja o projektu.

8. Podrška u toku realizacije projekta

Telemach fondacija će osigurati tehničku podršku u toku implementacije odobrenih projekata. Programom je planirano da se održe najmanje dvije sesije za jačanje kapaciteta partnera, a po potrebi i ako to budu dozvoljavala finansijska sredstva i više.

9. Izvještavanje i pravdanje troškova za odobreni projekt

Svaki partner koji kroz Program dobije grant, dužan je redovno i prema prethodno utvrđenom planu podnositi izvještaj o provedenim aktivnostima kao i o nastalim troškovima. Po završetku projekta, partner je dužan poslati finalni narativni i finansijski izvještaj na regionalni.grant@telemach.co.ba u roku od 15 dana nakon završetka projektnih aktivnosti.

Finalni izvještaj se sastoji se od 2 dijela: tehničkog i finansijskog (vidi Dodatak br. 3 „Obrazac finalnog izvještaja Program regionalnih grantova 2022.“. U finalnom izvještaju, partner će uključiti podatke o svim provedenim aktivnostima i postignutim rezultatima, za koje je dobila podršku Programa.

Pravdanje troškova za odobreni projekat se vrši putem finansijskog izvještaja i dokaza o plaćanju čiji datum mora biti samo nakon datuma potpisivanja ugovora. Gotovinska plaćanja i drugi oblici plaćanja koji nisu potkrijepljeni dokazom o plaćanju neće biti prihvaćeni.

10. Monitoring provedbe projekta

Telemach fondacija će zajedno sa uposlenicima kompanije Telemach BH vršiti praćenje provedbe projekta. Organizacije čiji projekti budu odobreni će nakon potpisivanja ugovora omogućiti nesmetan i cjelovit pristup projektnoj dokumentaciji, kancelarijskom prostoru te lokacijama na kojima se pojedine aktivnosti provode a s ciljem utvrđivanja nivoa provedbe planiranih aktivnosti.

11. Promocija projekta

Prilikom objavljivanja materijala u medijima i društvenim mrežama partner je dužan navesti Telemach fondaciju kako partnera u implementaciji, koristeći logotip Telemach fondacije i tekst s podacima o izvoru podrške: „Projekat podržala Telemach fondacija“. Svaki vizual i izjava koja ide u javnost prije objave mora biti odobrena od Telemach fondacije.

Telemach fondacija će na web stranici kompanije Telemach BH te kroz javne nastupe u medijima objavljivati informacije o podržanim projektima i planiranim aktivnostima.

Podržani partneri su dužni tokom provedbe projekata informisati Telemach fondaciju o nadolazećim **javnim događajima i inicijativama**, te slati pozivnice Telemach fondaciji za te događaje. Telemach fondacija ima pravo pratiti u kojoj se mjeri aktivnosti navedene u projektima provode u skladu s uslovima i načelima Programa kroz **kontinuirani monitoring**. Podržani partneri trebaju osigurati da Telemach fondacija ima nesmetan pristup informacijama i svim dokumentima koji se odnose na provedbu odobrenog projekata koji je podržan kroz Program.

Telemach fondaciji je izuzetno važno podržati aktivne partnere koje svojim djelovanjem donose pozitivne promjene bosanskohercegovačkom društvu. S tim u vezi, po završetku implementacije, Telemach fondacija će provesti evaluaciju učinka provedenog Programa, a krajem 2022. godine, organizovat ćemo završnu konferenciju na kojoj će svi podržani partneri imati priliku podijeliti svoja iskustva, rezultate i naučene lekcije.